



Ruth Heilmann
Inatsisartunut ilaasortaq

§ 37 naapertorlugu Naalakkersuisunut ilageeqarnermut apeqquteqaativit akissu- taat

Asasara Ruth Heilmann

Ilageeqarneq pillugu apeqqutinnut Naalakkersuisut qujapput.

Februaarip 10-ani 2012 apeqqutit imaattut nassiussimavatit:

1. Naalakkersuisut ullumikkut siunissamilu ilageeqarnerup nukittorsarnissaa eqqarsaatigalugu nunatsinni palasissaaleqinerup annertuujusup qanoq iliuseqarfigilersaarpaat, tassuunakkut tigussaasumik pilersaaruteqartoqarpa?
2. Palasissanik immikkut ilinniartitsineq siornatigut atorneqarsimasooq aammalu ullumimut iluaqutaasumik kinguneqarsimasooq atorlugu palasinik amigaateqarnerujussuup aqqiiffigineqarnissaa aqutaasinnaasut ilaattut isumaqarfigineqarpa?
3. Ukiorpaalunni Nuummi oqaluffittaarnissamik pilersaarutaasooq Naalakkersuisunit sulissutigineqarniarnerluni.

Akissutit

1.

Kalaallit Nunaanni ilagiit – 1. januar 2012-imi Kalaallit Nunaanni Naatsorsueqqissaartarfiup kisitsisit paarisai malillugit biskopip allaffeqarfianut innuttaasut 95,2 % -upput. Ilageeqarneq pillugu inatsisartut inatsisaanni nr. 9, 19. maj 2010-meersup atuutilernerani biskopimut qitiusumik aqutsineq allaffissornerullu siulersonera isumagisarai. Naalakkersuisut qullersatut akisussaasuupput.

Naalakkersuisut biskopillu allaffeqarfia ilagiinnut atugassarititat pillugit oqaloqatigiittarput. Taamaalilluni oqaluffiup pisariaqartitaa piumasaalu malillugit, ilagiit naalagaaffiup tapersersugaannut atugassarititassat, inatsisissat aningaasartuutissallu inissinneqartarput, oqaluffiup aningaasartuutissanut inatsisaa qularnaveerniarlugu.

Ilagiinnili suliniutigineqartut piviusut oqaluffiup akisussaaffigai.

Naalakkersuisut nunatsinni palaseqarnerup inissisimaneranut makkuninnga paasissutissiisinnaavoq:

Ulloq 1. februar 2012-imi palaseqarfiit marluk inuttaqanngillat, Palaseqarfik Qasigiannguit aamma Kangaatsiaq. Palaseqarfiit 15-it sinneruttut, tamarmik namminneq palaseqarput. Palaseqarfik Ittoqqortoormiit taamaattoq ajoqimik ilinniarsimasumik isumagine-

23. feb 2012
Sagsnr. 2012-061973
Dok. Nr. 828204

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanaoq.gl
www.nanaoq.gl

qarpoq, aningaasatigut immikkut ittumik tapilimmik, palasillu assigiinngitsut Nuummiit Tasiilaq tikillugu atorfeqartoqarluni. Procentinngorlugu takussagaanni innuttaasut palaseqarfilinni najugallit 4,6 %-ii namminneq palaseqanngillat.

Naalackersuisut, biskopip allaffeqarfiatigut, palasinut atorfiit inuttassarsiornerisa allagar-siuttarnissaasa ataavartumik malittarisarpaat.

2.

1997-imi Inatsisartut peqqussutaanni nr. 2, 6. juni 1997-meersoq palasinik amigaate-qarneq pillugu pilertortumik ikiorsiinissamut pilersitsiniarnissaq pillugu palaseqarfimmi tunngaviliisoqarpoq. Pilersitsiniarneq palasiunissamut nalinginnaasumik piumasaqaati-gineqartut qinnuteqartuniit amigarmata suliniutigineqarpoq. Palasinnngorniarnissamut periarfissaliissutigineqartoq sivikinnerusumik ilinniarfissamik pilersitsiniarnermut atorne-qarpoq – Palasit suliassaannik ilinniartitaaneq, Palasit suliassaannik ilinniartitaaneq pil-lugu Namminersornerullutik Oqartussat nalunaarutaat nr. 21, 12. september 1997-meersoq malillugu (PEP).

2005-imi Ilimatusarfiup ataani immikkut ittumik exam.theol.-imik palasinnngorniartefeqa-lerpoq.

Taakkua immikkut ittumik aaqqiissutit ingerlateqqinneqarnikuunngillat.

Ataatsimut isigalugu upperisarsiornermik bachelor-itut ilimatusarnerup pilersinneraniit qinnuteqartut nunarput pilersorsinnaasimavaat. Taamaakkaluartoq suli tamakkiisumik pilersuinissaq ajornarsimavoq, tamannalu Naalackersuisut arajutsinnngilaat biskopilu pe-qatigalu tamanna pillugu assigiinngitsunik eqqartueqatigiittuarterlutik; maannakkullu su-liassaqarfiit akimorlugit Ilinniartitaanermut Ilimatusarnermullu Naalackersuisoqarfik suleqatigalugu siunissami ilinniarfissat eqqartorneqartarlutik.

Februaarip aallaqqaataani 2012 palasit atorfilinni 22-usuni arfineq-marluk PEP-mik ilinniagaqarsimapput, pingasullu immikkut ittumik exam.theol.-imik ilinniagaqarsimallutik. Sanilliullugu taakkunani palasit sisamat bachelor-itut upperisarsiornermik ilinniagaqar-simallutik.

Maannamut palasissaaleqineq pillugu palasinik amigaateqarneq pillugu ikiorsiissutitut aaqqiissutiginiikuusimasat imaluunniit nutaamik aaqqissuussinikkut aaqqiissutissanik atuinissamik pilersaaruteqartoqanngilaq.

3.

Aningaasanut inatsimmi 2007-mut Nuussuarmi oqaluffissap pilersaarusiornissaanut ani-ngaasanik immikkoortitsisoqarsimavoq kr. 1,0 mio. annertussuseqartunik. Aningaasat immikkoortinneqarsimasut suliamik pilersaarusiornermut ingerlatsinermullu atorneqar-simapput.

2009-mi naalackersuisoqatigiit inissereernerisa kingorna aningaasanut inatsisip suliari-neqarneranut naammattusaarineq aammalu pingaarnersiuiineq ingerlanneqarsimavoq. Aningaasanut inatsimmik suliaqarneq aallartimmat Nuussuarmi oqaluffiliornissaq qaqqin-neqarsimavoq, tassani suliamik ingerlatitseqqinnissamut aningaasanik amerlanerusunik immikkoortinneqareersimasut saniatigut pisariaqartitsisoqarnera paasinarsisimavoq.

Allaffissornerup annikillisarnera aammalu kissaatit assigiinngitsut nammineq aningaasalernissaannik uiartuinerup kingunerisimavaa oqaluffiliornissamut aningaasanik immikkoortitsisoqannginnera. Taakkualu saniatigut ilagiinnut aningaasat immikkoortinneqarsimasut naammaqqissaarmata ajornakusoorsimavoq oqaluffiliornissamut aningaasanik immikkoortitseqqinnissaq.

Naalackersuisut isumaqarput oqaluffiliornissamut aningaasaliinissamik eqqartuinermi pissutsit piviusut assigiinngitsut eqqarsaatigilluaqqaartariaqartut aalajangiisoqannginnerani. Naalackersuisut ilisimavaat Nuummi inuit ukiuni tulluuttuni amerliartornissaat naatsorsorneqarsimasoq ilaatigut inissianik sanaartornerup aammalu nuttartarneq ilutigalugu. Naalackersuisut isumaqarput Nuussuarmi oqaluffiliornissamik aalajangiisoqannginnerani tunngavissat pitsaasut illersorneqarsinnaasullu nunatsinni sanaartornissamik pisariallit allat ataatsimut isigalugit nalilersorneqqaartariaqartoq.

Inussiarnersumik inuulluaqqusillunga
Med venlig hilsen



Mimi Karlsen